



022/1

REPUBLIKA E SHQIPËRISË
KRYEMINISTRI

U R D H Ë R

Nr. 192, datë 31.7.2014

P Ë R

**NGRITJEN E GRUPIT NDËRINSTITUCIONAL TË PUNËS
PËR VLERËSIMIN E DËMIT TË PËSUAR NGA VIKTIMAT
E 21 JANARIT 2011**

Në mbështetje të pikës 3, të nenit 102, të Kushtetutës, dhe të nenit 12, të ligjit nr.9000, datë 30.1.2003, "Për organizimin dhe funksionimin e Këshillit të Ministrave",

U R D H Ë R O J:

1. Ngritjen e grupit ndërinstitutional të punës për marrjen e masave për vlerësimin e dëmit të pësuar nga viktimat e ngjarjes së 21 janarit të vitit 2011, si pasojë e veprimeve të Gardës së Republikës. Për efekt të këtij urdhri, konsiderohen viktimat të ngjarjeve të 21 janarit 2011 të ndjerët Faik Myrtaj, Ziver Veizi, Hekuran Deda dhe Aleks Nika.
2. Grupi ndërinstitutional i punës të kryesohet nga z. Artur Metani, zëvendëssekretar i Përgjithshëm i Këshillit të Ministrave, dhe në përbërje të ketë këta anëtarë:
 - Z. Genci Gjonçaj, sekretar i Përgjithshëm në Ministrinë e Punëve të Brendshme;
 - Znj. Geraldina Prodani, sekretar i Përgjithshëm në Ministrinë e Financave;
 - Znj. Ljambriola Misto, sekretar i Përgjithshëm në Ministrinë e Drejtësisë;
 - Znj. Alma Hicka, Avokat i Përgjithshëm i Shtetit;
 - Një përfaqësues nga Garda e Republikës;
 - Një ekspert i sigurimeve, i caktuar nga Ministria e Financave.

3. Grupi ndërinstitutional i punës ka për detyrë që, përmes angazhimit të ekspertëve vlerësues të licencuar në fushën përkatëse, të bëjë përlllogaritjen e drejtë të dëmit të pësuar nga viktimat në përputhje me praktikën më të mirë kombëtare, si dhe të gjejë burimet për përballimin e efekteve financiare e të propozojë mënyrën më të përshtatshme për përballimin e këtyre shpenzimeve.
4. Grupi ndërinstitutional i punës, për aq sa është e mundur, të përzgjedhë ekspertët vlerësues edhe me pëlqimin e familjarëve të viktimave.
5. Grupi i punës të përgatitë një raport të hollësishëm për veprimtarinë e vet, të cilin së bashku me aktekspertimet e ekspertëve vlerësues t'ia paraqesë ministrit të Punëve të Brendshme brenda 60 (gjashtëdhjetë) ditëve nga data e hyrjes në fuqi të këtij urdhri.
6. Ministri i Brendshëm, në bazë të raportit të grupit të punës dhe aktit të ekspertëve, harton dhe propozon projektvendimin për shpërblimin e drejtë të dëmit të pësuar nga viktimat në ngjarjen e 11 janarit të vitit 2011, si pasojë e veprimeve të Gardës së Republikës, të cilin ia paraqet për miratim Këshillit të Ministrave.
7. Ngarkohet Ministria e Brendshme për përballimin e honorareve të ekspertëve dhe shpenzimeve të tjera të nevojshme për përmbushjen e detyrave të grupit ndërinstitutional të punës.

Ky urdhër hyn në fuqi menjëherë.

KRYEMINISTRI

EDI RAMA